



Općinska izborna komisija

Općinska izborna komisija Novo Sarajevo (u daljem tekstu: OIK NS) je na osnovu člana 5. Uputstva o načinu rada i izvještavanju izborne komisije osnovne izborne jedinice u BiH (broj 05-1-02-2-622-1/22 od 04.05.2022. godine) (u daljem tekstu: Uputstvo) i člana 22. Poslovnika o radu OIK NS (u daljem tekstu: Poslovnik), na 2. redovnoj sjednici održanoj 22. januara 2026 godine, usvojila

IZVJEŠTAJ O RADU ZA 2025. GODINU

I. UVOD

Općinska izborna komisija Novo Sarajevo (u daljem tekstu: OIK NS) je u toku 2025. godine obavljala svoje redovne aktivnosti u skladu sa Izbornim zakonom Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i podzakonskim aktima, dok su u drugom dijelu izvještajnog perioda dominantno realizovane aktivnosti nužne za organizaciju i provođenje prijevremenih izbora za predsjednika Republike Srpske.

Predsjednica i članovi OIK NS uredno su izvršavali sve propisane obaveze, o čemu je Centralna izborna komisija Bosne i Hercegovine (u daljem tekstu: CIK BiH) redovno i blagovremeno informisana putem mjesečnih izvještaja o radu.

Općinsko vijeće Novo Sarajevo (u daljem tekstu: OV NS) ni u fiskalnoj 2025. godini nije donijelo odluku o visini naknade za rad predsjednice i članova OIK NS u skladu sa Odlukom CIK BiH o visini naknade za rad članova izborne komisije osnovne izborne jedinice u BiH – Prečišćeni tekst („Službeni glasnik BiH“, broj 31/24), a važeća općinska odluka nije usklađena sa propisanim iznosima.

II. ODRŽAVANJA SJEDNICA I TRANSPARENTNOST RADA

U periodu od 01.01.2025. do 31.12.2025. godine, OIK NS je održala ukupno 21 sjednicu (redovne, vanredne i korespondentne). Pregled održanih sjednica je dat u tabeli broj 1.

Tabela 1

Mjesec	Datumi sjednica		Ukupan broj sjednica
Januar	08.01.2025.	27.01.2025.	2
Februar	03.02.2025.	10.02.2025.	2



Općinska izborna komisija

Mart	06.03.2025.		16.03.2025		2
April	10.04.2025.				1
Maj	08.05.2025.				1
Juni	09.06.2025.		25.06.2025.		2
Juli	10.07.2025.				1
August	/				0
Septembar	09.09.2025.		18.09.2025.		2
Oktobar	08.10.2025.	13.10.2025.		30.10.2025.	3
Novembar	04.11.2025.	07.11.2025.	11.11.2025.	22.11.2025.	4
Decembar	17.12.2025.				1
Ukupno:					21

Prisustvo i odsustvo predsjednice i članova na sjednicama OIK NS je dat u tabeli broj 2.

Tabela 2

Član/predsjednik OIK NS	Prisustva	Odsustva
Jasna Nikšić	20	1
Srđan Lazar	17	4
Nina Šantić	16	5
Tarik Bahto	14	7
Srđan Čalija	20	1
Selna Hošić	19	2



Općinska izborna komisija

Harun Išerić	14	7
--------------	----	---

Svako odsustvo članova/predsjednice OIK NS je bilo opravdano i blagovremeno najavljeno.

Najave sjednica i informacije o donesenim zaključcima redovno su objavljivane na web stranici Općine Novo Sarajevo. Pored kontinuiranih inicijativa, web prezentacija Općinske izborne komisije ostaje nepregledna i nedovoljno uočljiva, što otežava pravovremeno informisanje političkih subjekata i građana.

Tokom 2025. godine ostvarena je saradnja sa organizacijama civilnog društva, uključujući učešće u intervjuu sa Koalicijom za slobodne i poštene izbore „Pod lupom“.

III. PRISUSTVO OBUKAMA I KONSULTACIJAMA CENTRALNE IZBORNE KOMISIJE BIH

Članovi OIK NS su tokom 2025. godine aktivno učestvovali u edukativnim i savjetodavnim aktivnostima organizovanim od strane CIK BiH, kao i drugih relevantnih institucija i međunarodnih organizacija.

Predsjednica OIK NS je dana 18.02.2025. godine prisustvovala konsultacijama na kojima su učesnici upoznati sa novim izbornim tehnologijama korištenim na Lokalnim izborima 2024. godine, te su razmatrane mogućnosti smanjenja broja biračkih mjesta.

Predsjednica OIK i NS, član Srđan Lazar i članica Selna Hošić prisustvovali su postizbornoj konferenciji „Lokalni izbori 2024 – lekcije za budućnost“, održanoj 24. i 25.04.2025. godine u Sarajevu, u organizaciji CIK BiH, Vijeća Evrope u Bosni i Hercegovini i Misije OSCE-a u Bosni i Hercegovini.

Predsjednica OIK NS i članica Selna Hošić prisustvovala su online edukaciji održanoj 23.10.2025. godine.

Predsjednica i članovi OIK NS su prisustvovali obaveznoj obuci organizovanoj od strane CIK BiH dana 10.12.2025. godine u Hotelu Hills, Ilidža.

Učešće u navedenim obukama i konsultacijama doprinijelo je unapređenju stručnih kapaciteta OIK NS i kvalitetnijem izvršavanju zakonom propisanih nadležnosti.



Općinska izborna komisija

IV. PRIJEVREMENI IZBORI ZA PREDsjedNIKA REPUBLIKE SRPSKE

CIK BiH je na sjednici održanoj 28.08.2025. godine donijela Odluku o raspisivanju i održavanju prijevremenih izbora za predsjednika Republike Srpske. OIK NS je 08.10.2025. godine usvojila Plan aktivnosti – hodogram za provođenje navedenih izbora.

IV-1. Osiguranje finansijskih i materijalno-tehničkih sredstava za održavanje izbora

OIK NS usvojila je Plan budžeta za 2025. godinu i isti dostavila OV NS na razmatranje i usvajanje. OV NS nije usvojilo Plan budžeta u predloženom iznosu, već je za rad OIK NS u 2025. godini odobrilo budžetska sredstva u iznosu od 35.000,00 KM.

Nakon donošenja Odluke CIK BiH o raspisivanju prijevremenih izbora za predsjednika Republike Srpske, OIK NS je podnijela zahtjev za povećanje budžetskih sredstava. Preraspodjelom budžetskih sredstava, OIK NS je u 2025. godini raspolagala ukupnim iznosom od 55.000,00 KM, što je bilo dovoljno za provođenje prijevremenih izbora u Republici Srpskoj, kao i za realizaciju ostalih aktivnosti OIK NS u 2025. godini.

OIK NS je donijela Odluku o utvrđivanju novčane naknade za angažovanje lica u izbornom procesu, u skladu sa utvrđenim iznosima naknada za složenost poslova kao i za Lokalne izbore 2024. godine, te poduzela sve nužne korake radi isplate naknade članovima, zamjenicima i predsjedniku biračkog odbora, te drugim licima angažovanim u izbornom procesu.

IV-2. Biračko mjesto

Na sjednici održanoj dana 13.10.2025. godine, OIK NS je donijela Odluku o određivanju biračkog mjesta za glasanje u odsustvu na području općine Novo Sarajevo za prijevremene izbora za predsjednika RS i to: biračko mjesto broj 139A501 – Malta, prostorije MZ „Malta“, ulica Envera Šehovića broj 9. Odluka je objavljena na web stranici Općine Novo Sarajevo, šalter sali Općine, oglasnim pločama mjesnih zajednica na području općine i na JU Osnovnoj školi „Čengić Vila I“.

IV-3. Birački odbor

Politički subjekti koji su, u skladu sa Izbornim zakonom Bosne i Hercegovine, imali pravo predlaganja članova biračkog odbora nisu iskoristili navedeno pravo. Shodno tome, OIK NS imenovala je članove biračkog odbora: Belmu Lepir-Cviko i Anidu Kozić, te zamjenske članove biračkog odbora: Enesa Panjetu i Ingu Hrustemović.

Na sjednici održanoj dana 04.11.2025. godine, OIK NS je usvojila Plan i program obuke predsjednika i članova biračkih odbora, u skladu sa važećim podzakonskim aktima Centralne





Općinska izborna komisija

izborne komisije Bosne i Hercegovine. Obuka predsjednika i članova biračkog odbora, uključujući provjeru znanja putem testiranja, provedena je dana 11.11.2025. godine.

IV-4. Akreditovanje posmatrača političkih subjekata

OIK NS je, u skladu sa Izbornim zakonom Bosne i Hercegovine i važećim uputstvima CIK BiH, javno objavila Poziv za podnošenje zahtjeva za akreditiranje posmatrača ovjerenih političkih subjekata i nezavisnih kandidata za učešće na prijevremenim izborima za predsjednika Republike Srpske.

Po isteku roka za podnošenje zahtjeva, dana 08.11.2025. godine, OIK NS nije zaprimila nijedan zahtjev za akreditiranje posmatrača.

IV-5. Prijem i distribucija izbornog materijala

Dana 19.11.2025. godine, od strane CIK BiH, OIK NS je zaprimila neosjetljivi i osjetljivi izborni materijal. Po prijemu izbornog materijala izvršen je uvid u prateću specifikaciju, kao i kontrola količine i vrste prispjelog materijala, u skladu sa važećim propisima.

Izborni materijal je uskladišten u prostorijama OIK NS i bio je pod stalnim policijskim nadzorom od dana prijema do dana održavanja izbora, odnosno do njegove otpreme na biračko mjesto. Osjetljivi i neosjetljivi izborni materijal dostavljen je na biračko mjesto u skladu sa važećim propisima, 12 sati prije otvaranja biračkog mjesta, odnosno u subotu, 22.11.2025. godine, uz obezbijeđenu policijsku pratnju. Dostava izbornog materijala izvršena je na biračko mjesto na kojem je prethodno proveden protivdiverzion pregled (KDZ).

Policijska uprava Novo Sarajevo obezbjeđivala je lokaciju biračkog mjesta od momenta dostave izbornog materijala do završetka izbornog procesa i povrata izbornog materijala.

Po okončanju izbornog procesa, izborni materijal je uredno transportovan sa biračkog mjesta do sjedišta OIK NS, uz obezbijeđenu policijsku pratnju, te je dana 24.11.2025. godine predat predstavnicima CIK BiH.

IV-6. Izborni dan

Biračko mjesto za glasanje u odsustvu je otvoreno dana 23.11.2025. godine u 07:00 sati, a zatvoreno u 19:00 sati, u skladu sa Izbornim zakonom Bosne i Hercegovine.

Prema izvodu iz Centralnog biračkog spiska, ukupno je bilo upisano 66 birača. Na prijevremenim izborima za predsjednika Republike Srpske glasao je jedan birač.



Općinska izborna komisija

OIK NS je tokom izbornog dana blagovremeno i kontinuirano izvještavala Centralnu izbornu komisiju Bosne i Hercegovine o otvaranju i zatvaranju biračkog mjesta, kao i o podacima o izlaznosti birača.

IV-7. Prigovori i žalbe u izbornom procesu

Tokom izbornog procesa OIK NS nije zaprimila nijedan prigovor niti žalbu u vezi sa organizacijom i provođenjem prijevremenih izbora za predsjednika Republike Srpske.

V. OSTALE AKTIVNOSTI

OIK NS je tokom 2025. godine, po zahtjevu CIK BiH, razmatrala mogućnost smanjenja broja biračkih mjesta, učestvovala u javnim raspravama o nacrtima programa rada OV NS za 2025. i 2026. godinu, te kontinuirano ukazivala na obavezu donošenja odluke o visini naknada za rad predsjednice i članova OIK NS.

U junu i decembru 2025. godine građanima je bio dostupan Privremeni birački spisak u prostorijama mjesnih zajednica i Centra za birački spisak Općine Novo Sarajevo.

VI. ISPUNJAVANJE OBAVEZA PROPISANIH UPUTSTVOM

OIK NS je u potpunosti ispunjavala obaveze propisane Uputstvom CIK BiH, naročito u pogledu javnosti rada, transparentnosti, redovnog izvještavanja, dostupnosti informacija i osiguranja komunikacije sa građanima i institucijama.

VII. ZAKLJUČAK

Općinska izborna komisija Novo Sarajevo je u 2025. godini svoje aktivnosti realizovala u skladu sa Izbornim zakonom Bosne i Hercegovine, podzakonskim aktima, Uputstvom Centralne izborne komisije BiH i Poslovníkom o radu Općinske izborne komisije Novo Sarajevo. Sve redovne aktivnosti, kao i aktivnosti vezane za organizaciju i provođenje prijevremenih izbora za predsjednika Republike Srpske, provedene su zakonito, blagovremeno i bez uočenih nepravilnosti.

U izvještajnom periodu nastavljen je izostanak adekvatnog postupanja Općinskog vijeća Novo Sarajevo po inicijativama OIK NS koje se odnose na donošenje nove odluke o visini naknada za rad predsjednice i članova Općinske izborne komisije Novo Sarajevo. Važeća općinska odluka nije usklađena sa Odlukom Centralne izborne komisije BiH o visini naknade za rad članova izborne komisije osnovne izborne jedinice u BiH, čime se predsjednica i članovi OIK NS dovode u neravnopravan položaj u odnosu na članove izbornih komisija u drugim jedinicama lokalne samouprave. OIK NS ponovo ukazuje na potrebu hitnog usklađivanja visina naknada sa važećim propisima CIK BiH.



Općinska izborna komisija

I dalje postoji izražena potreba za unapređenjem web prezentacije Općinske izborne komisije Novo Sarajevo na zvaničnoj web stranici Općine Novo Sarajevo, s ciljem osiguranja veće preglednosti, dostupnosti informacija i transparentnosti rada, naročito u izornoj godini.

Također, neophodno je osigurati dodatna materijalno-tehnička sredstva i unaprijediti tehničke kapacitete Općinske izborne komisije Novo Sarajevo, kako bi se omogućila efikasnija, pravovremena i kvalitetnija organizacija i provođenje izbornih aktivnosti.

Poseban izazov u predstojećem periodu predstavlja činjenica da će trenutni zaposlenik Centra za birački spisak Općine Novo Sarajevo u junu 2026. godine steći uslove za penzionisanje, dok će u mjesecima koji prethode penzionisanju koristiti pravo na godišnji odmor. Navedene okolnosti se dešavaju u izornoj 2026. godini, u kojoj se očekuje značajno povećan obim poslova u vezi sa pripremom i provođenjem Općih izbora 2026. godine.

Radi predupređivanja mogućih organizacionih i operativnih poteškoća, OIK NS će u januaru 2026. godine uputiti dopis Općinskoj načelnici Novo Sarajevo radi blagovremenog imenovanja novog zaposlenika Centra za birački spisak, koji je potrebno da prođe odgovarajuću obuku do donošenja odluke o raspisivanju Općih izbora 2026. godine.

Broj: 2-2/26

Sarajevo, 22.01.2026. godine



Predsjednica
Općinske izborne komisije

Mr. Jasna Nikšić